

# Trabalinguas


Camarón, caramelo,  
camarón, caramelo,  
camarón, caramelo.

Martiño cravou un craviño.  
Que craviño cravou Martiño?



Pola presa  
do muíño fun.  
Collín cordóns.  
Cordóns collín.

Por debaixo  
da mesa  
vai un pito coxo.  
Corre, pito, corre,  
corre, pito coxo.  
Corre, pito, corre,  
corre pito coxo.



Gancho reviragancho,  
que tanto reviragancheaches,  
deixa que te desreviraganchees  
con este desreviraganchiño  
que teño para desreviragancheas  
ganchos reviragancheados  
nas ramas do carballal.

Tintininín  
dixeron os frades.  
Tintininín,  
as chaves, que oíron,  
tintininín,  
de oílo se riron.

Os dous sapos sós,  
sós ao sol.  
Ao sol, os dous sapos,  
dous sapos ao sol.



# Trabalinguas



A cabra e o crocodilo  
cantan baixo do coco.  
A cabra e o crocodilo  
catro cocos comeron.

A serea Marilé  
e a serea Marilá  
miran e miran  
as ondas do mar.  
–Mira, mira, Marilé!  
–Mira, mira, Marilá!  
–Mira alá, Marilé!  
–Marilá, mira alá!




Canta, cuco:  
cuqui cuco.  
Canta o cuco:  
cuqui ca.  
Canta o cuco:  
cuqui cuco,  
cuqui cuco, cuqui cuco,  
cuqui ca.

Abre a cabra, abracadabra,  
abre a cobra, abracadobra,  
abre a cabra, abre a cobra,  
abracadabra, abracadobra.



## De animais



### O oso e o osiño

O oso e o osiño  
saíron a pasear.  
O oso vai diante  
e o osiño detrás.  
O osiño pregunta:  
–Baba baba bababá?  
E o oso contesta:  
–Baba baba bababá.

### O can

O can, o can,  
o demo do can,  
roeuille as cirolas  
ao meu cirolán;  
e se llas roeu,  
deixarllas roer  
que outras noviñas  
lle han de facer.



### Tristrás

Na escola baixo do mar  
a balea é a mestra.  
Os peixes aprenderán  
a escribir con boa letra.  
Cando é o tempo do recreo  
todos xogan ao tristrás  
e os golfiños rebuldeiros  
dan tres saltos cara atrás.

### Ten, non ten

O burro non ten o a,  
por iso non sabe cantar.  
O gato non ten o e,  
por iso non sabe ler.  
O can non ten o i,  
por iso non sabe escribir.  
E o galo, ten o galo o o?  
Pois si! Ben o sei eu, ho!

### Nas árbores da horta

Nas árbores da horta  
hai un reiseñor  
que canta noite e día,  
canta á Lúa, canta ao Sol.

## De animais



### Papagaio

Espera, espera, papagaio,  
non vaias para o Perú.  
Espera, espera, bonitiño,  
papagaio verde e azul.  
Ai, non marches polo mar.  
Ai, non marches nun cruceiro.  
Ai, non marches!  
Non, non marches!  
Ai, non marches!  
Que te quero.

### O rato e a lúa

Un rato díxolle á lúa:  
–Nunca reparas en min,  
por iso vivo na rúa  
metido nun calcetín.  
Ela fitou abraiada,  
déronlle ganas de rir.  
Daquela apagou a lámpada  
e dispúxose a durmir.  
Polo desprezo da lúa  
o ratiño, alporizado,  
berroulle con moita forza:  
–Xa non estou namorado!

ANTONIO G. TEIJEIRO

### Vacalouriña

Vacalouriña, voa, voa,  
heiche dar pan e cebola.  
A cebola está no lar  
e o panciño no altar.  
Vacalouriña, pom!

